



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab Anno Christi 1248. Usque Ad Annum 1276

**Fleury, Claude**

**August. Vind. [u.a.], 1765**

**VD18 90118243**

§.4. Horum moliminum incitamenta.

---

[urn:nbn:de:hbz:466:1-66255](#)

terat modicas militum sacrorum reliquias, nimirum equites trecentos ac bis mille pedites. Vide, quo reciderit res per historicos ac poëtas tantis elata præconiis! Mirissimum sane, ejus conservandæ aut instaurandæ propositum ducentos annos durasse.

#### §. IV.

##### *Horum moliminum incitamenta.*

Sed nempe summi Pontifices ac illi, qui eorum jussu sacræ militiæ classicum canebant, non cessabant Ordini Nobilium & populis eam proponere velut causam Dei, optimamque salutis in tuto collocandæ viam. Oportet, inquietabat, vindicare ignominiam Christo impositam, & terram, quæ hæreditas ejus est, quam proprii cruxis pretio acquisitam populo promisit suo, e manibus ethnicorum eripere. Suam pro vobis vitam posuit: nonne par est, ut vestram pro eo detis? Potestisne quieti vestris in domibus hædere, dum hostes ejus sanctissimum nomen linguis scelestis violant; ejus templum & loca, quæ præsentia honoravit sua, per abominandum Mahometis cultum profanant, insultantque Christianis, qui non audeant ipsos inde depellere? Quid respondebitis Deo in die judicii, quando gloriam suam deliciis privatisque

com-

commodis vestris posthabitam, & tam facilem expiandi noxas, & martyrii coronam obtinendi modum despiciatui ductum vobis exprobrabit? En ea, quæ summi Pontifices in epistolis suis, & sacri Orationes in suggestibus verbis ad motum ap- positissimis efferebant.

Hodie, dum hanc ad materiam sanguis non exæstuat, & tranquillis eam mentibus consideramus, his in sermonibus nec soliditatem, nec accuratam ratiocinationem invenimus. Ulciscenda Christi injuria dicebatur. Sed id, quod eum vere offendit, laeditque, multo magis est vita corrupta pravorum Christianorum, quales erant plerique cruce signati, quam profanatio rerum sensu parentium, sacrarum illi domuum, locorumque nobis in memoriam revocantium ea, quæ pro nobis pertulit. Quantacunque veneratio his sanctis locis debeatur, ejus religio his

*Joan.4.v.21* affixa non est: ut ipse declaravit, cum diceret, venisse tempus adorandi Deum non in Samaria, nec Hierosolymæ, sed ubique in spiritu ac veritate. Nempe ab hac adhæsione ad locum certum ac templum e materia factum Judæos avocatus Hierosolymam everti voluit, nec permisit unquam, ut templum reædificaretur.

Dictum ambiguum est Palæstinam vocare hæreditatem Domini, & terram populo

pulo ejus promissam. Enunciationes i-  
ftæ in sensu proprio & litterario soli legi  
veteri conveniebant, nec novæ applicari  
possunt præterquam in sensu figurato.  
Hæreditas, quam Christus suo sibi san-  
guine acquisivit, est ejus Ecclesia cunctis  
ex gentibus collecta: & terra, quam huic  
spopondit, est patria cœlestis. Debe-  
mus esse parati ad ponendam pro eo vitam:  
sed hoc est sufferre omnia vexationum ac  
tormentorum genera, mortemque ipsam  
potius, quam ab eo desciscere, & gratiam  
ejus perdere. Haud jussit nos exponere  
vitam invadendo ethnicos armata manu;  
atque si martyres nuncupare licet illos,  
qui cum ethnicis pugnantes ceciderunt,  
id de bello solius religionis causa suscep-  
pto est intelligendum. Ab eo tempore,  
quo Musulmanni Palæstina potiti sunt,  
quingenti & plures anni abierant usque  
ad primam expeditionem sacram: nec  
video, religioni Christianæ generatim id  
gravi damno fuisse, aut eam postea flo-  
ruisse pulchrius. Demum, quæ principi-  
bus viris bellum sacrum non ineuntibus  
objecta sunt, cadebant etiam in anteces-  
fores eorum, atque in reliquos Principes  
religionis studiosissimos.

Altera expeditio sacra ducibus Rege  
Ludovico Juniore ac Conrado Germaniæ  
Rege talem eventum habuit, ut S. Ber-  
nardus, qui eam populis suaserat, de vi-

*Hist. Eccles. Tom. XXI.*

Y tupe-

*Hist. lib. 69.*  
§. 28. 29.

*Hist. lib. 65.*  
§. 45.

tuperiis sibi per eandem accitis purgare se cogeretur. Exercitus Regis Conradi sine prælio in Anatolia Græcorum proditione periit. An vero satis admirari possumus hujus Principis simplicitatem Imperatori Manuela fidentis post experientiam expeditionis primæ, quam avus ejus Alexius inanem reddere tentaverat? Hanc inter & illam nondum intercesserant anni quinquaginta, eademque diffidentiae rationes aderant: Græci Latinos ad suum Imperium aspirare semper putabant: & illud, quod post annos quinquaginta in quarta expeditione factum est, illorum suspiciones nimium comprobavit.

### §. V.

#### *Incommoda ex Constantinopolis expugnatione.*

**L**oquor de illa, quam Galli per Venetos ad invadendam primum Zaram in Dalmatia sitam, dein Constantinopolim, *Villek. n. 17.* ut juvenem Imperatorem Alexium in ipsius sedem restituerent, abrepti, sub obtentu puniendæ perfidiæ a Murzufla hunc in Principem commissæ tandem effectam dederunt: hanc enim rationem eis proponebant Episcopi comites sui affirmando, talium authores cædium nullum habere jus possidendi regna. Et Principes cruce